

استدینا

نومرو ۹

بخشیه

۶ تشرین ثانی ۱۳۲۴

يکرمنجي عصر ابتداءسنده بریتانیا امپراطورلنی

(امپریالیزم) ک بحران

سکزنجی نسخه دن مابعد :

عجیبا مستملکات مستقل اولسه ایدیلر بو مدعالرینی دها قولای استحصال ایده بیلیرلرمی ایدی؟ بو پک مشکوکدر. لکن آنلرک اوروپا احوالنه، محارباتک نتایجنه دأر جهالتلری، کندیلرینه فوق العاده اعتمادلری استقلالک تهالکفی کورمکدن آنلری منع ایدر. بالعکس حال حاضرده کی راحتمزلقلرینی، حریت حرکتلرینه عارض اولان ائک کوچک موایی فوق العاده اعظام ایدرلر.

مستملکات کسب جسامت ایندکجه بو موایع کندیلرینه دها آغیر کلکله، مرکز حکومتک حایه بحریریه سی کوندن کونه غیر کافی بر مکافات عد ایدلکه باشلار. ایشته حکومتی کندی منفعتلرینی دها زیاده محافظه به مجبور ایتک ایچون امپراطورلرک امور سیاسیه سنه فعلاً اشتراک آرزوسی بوندن تولد ایتشدر. کذلک بویوک بریتانیا ایله اتحادک کندیلرینه دائماً تحمیل ایده چی فداکارلقلر ایله تمامیه توازن ایده جک صورتده مرکز حکومتدن منافع جدیده استحصال ایتک فکری ده بوندن ناشیدر. بو منافع جدیده، ام الوطنک بازارنده مستملکاته مساعد بر محل تأمین ایدن مرک امتیازآندن بشقه نه اوله بیلور؟

ایشته مستملکات امپریالیزمک ناقص قالان مهم آرزوسی ناصل که انکلیر صنعتکارلری بوکون بوتون عالمده رقابت اجنبیه به مصادف اولوبده بعضیلری مستملکاتده کندیلرینه مساعدات بخشی نظر ممنوینله کوررلرسه بو مستملکاتک ارباب زراعتی ده بوکون هر زماندن زیاده آمریقا، ارژانتین و سائر ارباب زراعت ایله رقابت مجبور اولدقلری ایچون مرکز حکومتک بعض کونا حایه سنه مظهر اولغی چوقدن آرزو ایدرلر. بو صورتله انکلتره نک مستملکاته یره چی مساعدات مستملکات ایچون کندیسک مرکز حکومته قارشى راضی اوله جنی امتیازآدن دها فائده لی اوله جتدر؛ چونکه مستملکات محصولاتک باشلیجه صایلدیقی محل انکلتره در. حال بوکه مستملکاته اولان اخراجات اخراجات عمومیه نک آنجق

جزئی بر قسمتی تشکیل ایدر . بناءً علیه مساعد بر کمرک تعرفه سینه نائل اولمق
ارزوسی دهامومیدر . اجانبکی معامله کورولنجه بریتانیا ایمراطورانی اجزاسندن
اولمق نهیه یرار دنیلور .

ایشته مستملکاتده امپریالیزمک تولید ایتدیکی افکار بو مرکزده در ؛
کوریلورکه انکلتزده کی افکارک تمامیه عینی دکادر ، بو یکی مسلكه نظاریتمکده .
یوندن بکله نیلان نتایجده ام الوطن ایله بنات بعیده سی آره سنده بعض اختلافلر
واردر . ام الوطن اولاکندی یوکنی آزاله جق بر معاونت عسکریه استحصال
ایتمک ایستبور . او امپریالیزمده هر شیدن اول لورد سالیسبورینک بلکده
بر آز مبالغه ایله (پارلاق) دیه توصیف ایتدیکی تجربینه بر چاره بولمقده در .
مستملکات چارشولرنده امتیازات تجاریه ایکنجی درجه نی اشغال ایدر . بو امتیازاتی
حد ذاتنده هر کسک شایان ارز و عدا اتمه مسندن دکل بلکه بر چوقلری
کوریلورکه بوکا مقابل بعض فداکارلقلر اختیاری لازم اولوب بوکا ایسه پک
مهیا اولمقلر ننددر . سربستی* مبادلاتک حالا انکلتزده اولدقجه طرفدارلری
واردر ایشته بوکا بناءً لورد سالیسبوری ایمراطورلغک اتحاد عسکریسی
(Kriegsverein) ارز و اولنور ، فقط کمرک اتحادی (Sollverein) غیر ممکندر دیمشدر .
مع التأسف (زولوراین) اولمه دن (قریقسوراین) مقابلنده برشی ویرمه دن
معافیتی قالدیرمق دیمکدر . حالبوکه مستملکات حال حاضرده یکانه منفعتلری تکالیف
عسکریه بومعافیتی عدا اتمکده درلر . بالعکس ، مستملکات بو منفعتی محافظه ، بلکه
دیگر بعض منافع تأمین ایتمک ایستلر . (قریقسوراین) دکل بلکه (زولوراین)
حتی (زولوراین) ده دکل بریتانیا چارشوسنده ممتاز ، مستثنا بر یر ایستلر .
بوکا مقابل آنلرده ام الوطنه جزئی کمرک امتیازاتی ویره جکلدر . مع هذا کندی
صنایع حقیقیه لرینی محافظه ایتمک و کمرک وارداتک اساسنی تشکیل ایتدیکی بودجه لرینی
اخلال ایله مامک ایچون ینه اولدقجه یوکسک بعض رسوم طرح ایده جکلدر .
ایشته تجارت نقطه نظرنده هر طرف دیگرندن دها جوق شی استحصال ایتمک
آزشی بخش ایتمک ایستر . حالبوکه ایمراطورلغک مدافعه سی نقطه سنده مستملکات

تكاليف جديده تحمل ايتك ايسته ميورلر .

بو حال مركز حكومت ايله بر اتحاد عسكرى تأسيسى فكرينه اساساً معارض اولدوقلرندن ناشى دكلدر. جنوبى آفريقا محارب سنده بونى اثبات و اظهار ايتملر در. لكن ايتدكلى وقت كنديلرينه موافق مقدارده ويرمك خصوصنده كى استقلاللارنى ، سربسقى حركتلرينى محافظه ايتك ايتسيورلر. بحريه به تخصيصات اردويه فقرات ويرمك ايچون صورت دائمه ده تعهد آلتنه كيرمك انلرك نظرنده غايت آغير يوكلر آلتنده ازمك دكل بلكه مختاريتلرينك بر قسمنى غائب ايتك ديمكدر . كذلك عيى سببدن طولايى كرك مسائلنده دخى باغلامقدن چكنيرلر. مستملكات ايچون امپرياليزم شخصيتلرينى انكشاف ايتديرمك ايچون برواسطه در ، يوقسه بعض قيود ايله محاط اولمق دكل . پولنيقه نقطه نظرنده ينه تناقض واختلاف واردر . مستملكات امپراطورلق ايشلرينك اداره سنده دها واسع ، دها صريح مداخلتده بولمق ايسته ميورلر . لكن بونى محضا كندى منفعتلرينى دها اى محافظه ايتك ، اقتدار و سربسقى حركتلرينى توسيع ايله مك . ارزولرينى حيز حصوله ايصال ايتك ايچون ايتترلر بلعكس حريتلرينى تحديد ايدميه لجهك ، امور داخليلرينه بشقه لرينك كرك طوغريدن طوغرى به كرك بالواسطه ، داخله ينى منع ايله لجهك هر شىي رد ايدرلر . حالبوكه حكومات مجتمعه مؤسسائى همانده ضرورى اوله رق بوكا ميال دگيدر ؟ مركز حكومتك لك قوى امپريالستلرى طرفندن ياد ايدلدكي وجهله بو (امپراطورلقى اتحادى) مستملكات امپريالستلرينك تعقيب ايتدكلى غايه به عجباً تصادف ايتيه جكميدر ؟

امپريالست حركاتك ايلك صفحاتنده مستملكات ايله مركز حكومت آره سنده كى بو تباينلر بكده ظاهر اولما مقده ايدى .

عيسى زاده

حسن تحسين